



Vuk'uzenzele

O e tlisetswa ke Dikgokahano tsa Mmuso (GCIS)

Sesotho/English

Hlakubele 2016 Kgatiso 1



Sekolo se setjha bakeng sa bana ba nang le boqhwalabohqwala ba kelello
Leqephe 7



Tshehetso ya batjha ba dibaka tsa mahae
Leqephe 8

E na le Dipapatso tsa Mesebetsi Kahare

Mmoho ha re ntshetseng Aforika Borwa pele



Moporesidente Jacob Zuma o kgothaleditse maAforika Borwa ho sebetisa mmoho ho thusa ho ntshetsa naha pele.

Chris Bathembu and Amukelani Chauke

Moporesidente Jacob Zuma o ikiladititse ho netefaletsa maAforika Borwa, a seng monate ka maemo a hajwale a sa thabiseng a moruo, hore a se nyahame, empa se teng ke hore naha e sebetse mmoho ho fetola boemo bo teng.

Puong ya hae ya Maemo a Setjhaba kgwe-

ding e fetileng, e neng e bohuwe ke dimilione tsa batho, Moporesidente Zuma o hlakisitse hore maemo a boima a lefatshe le a ka lapeng a tshwanela ho re kgothatsa “ho menahanya mekutu ya rona, re sebetse mmoho jwaloka makala kaofela.

“Re bile le dikopano tse behang ditholwana le dikgwebo, ho kenyeletswa le kopano ya maemo a hodimo le di-CEO... re utlwile ditshisinyo ho tswa ho borakgwebo kamoo re

ka fetolang boemo kateng le ho busetsa moruo tseleng ya kgolo,” ho ile ha rialo Moporesidente Zuma.

O phatlaladitse hore mmuso o ntshetsapele boikitlaetso ba ‘One Stop Shop/Invest SA’ ho supa hore Aforika Borwa e le ka nnete e bulehile bakeng sa kgwebo. Mmuso o tla akofisa ho kenngwa tshebetsong ha tshebetso ena, ka bomphato le lekala la poraefete.

HO PUTLAMA HA MORUO WA LEFATSHE

Moporesidente Zuma o hopoditse maAforika Borwa hore naha ena, jwaloka tse ding tse ngata tsa moruo o ntseng o thuthua, e anngwe ke ho putlama ha moruo wa lefatshe.

“Nnete e re shebileng hona jwale ke hore kgolo ya moruo wa lefatshe e ntse e kgutitse. Mebaraka ya ditjhelete e hloka botsitso. Mefuta ya ditjhelete ya dimmaraka tse ntseng di runya e a fokola mme e fetofetoha haholo.

“Hobane moruo wa rona e le o monyenyanane le o bulehileng, o angwa ke diketsahalo tsena kaofela. Moruo wa rona hape o angwa ke mabaka a ka lapeng a jwaloka ditshita tsa motlakase le dikamano tsa diindasetering tseo ka nako e nngwe di hlokanng baotsitso,” o ile a rialo.

Moruo wa Aforika Borwa hape o anngwe ke mabaka a ka lapeng a jwaloka ditshita tsa motlakase le dikamano tsa diindasetering, tseo ka nako e nngwe di hlokanng baotsitso.

Letlole la Ditjhelete tsa Matjhabatjhaba le Banka ya Lefatshe di lepa hore moruo wa Aforika Borwa o tla hola ka tlase ho 1% selemong sena. Diphetho le ponahalo ya kgolo ya moruo o tlase di supa hore pokello ya lekeno e tla ba tlase ho feta kamoo ho neng ho lebeletswa kateng pele.

Moporesidente hape o ananetse hore Aforika Borwa e batla eka ba tsietsing ya ho lahlehelwa ke maemo a yona a matsete ho tswa ho makala a ditshupane tsa moruo.

“Ha seo se etsahala, ho tla ba theko e thata

ho rona ho kadima tjhelete ho tswa mose bakeng sa ho tsamaisa mananeo a rona a ho aha bophelo bo betere bakeng sa bohle ka ditjhelete, haholoholo ho ba futsanehileng.”

O kgothaleditse maAforika Borwa ho nka monyetla wa sekgahla sa phapanyetsano mmoho le diphethoho tsa haufinyana tjena

“Eskom, ho sa natswe diphephetso tse teng, e ntse e kgona ho etsa hore moruo o nne o tswela pele, ka hara mathata kaofela a teng. Dikaho tsa rona tsa ditjhelete tsa ntshetsopele tse jwaloka Koporasi ya Ntshetsopele ya Diindaseteri (IDC), Banka ya Ntshetsopele ya Borwa ba Aforika (DBSA) le tse ding di fanne ka ditjhelete bakeng sa meralo ya motheo, diindaseteri le dikgwebo tsa temo ntle le bothata, le ka hara ditlamorao tsa mathata a ditjhelete a lefatshe.”

tsa melawana ya divisa, bakeng sa ho matlafatsa bohahlaudi ba ka hara naha. Bohahlaudi ba Afrika Borwa bo tla tsetela R100 milione ka selemo ho hodisa bohahlaudi ba ka hara naha, e le ho kgothaletsa maAforika Borwa ho hahlaula ka hara naha ya bo bona, o ile a rialo.

KGATELOPELE E YA BONAHALA

Ha ho shejwa kgatelelopele e entsweng dilemong tse mmalwa tse fetileng, Moporesidente Zuma o tshwaile hore khamphani ya mmuso e tsamaisang dithoto ya Transnet e ahile meralo ya motheo ya diterene e thusitseng merafo ho tsamaisa thepa e kgolohadi

> **E tswela pele leqephe la 2**

SA urged to register to vote

South Africans have been encouraged to register to vote in the upcoming local government elections.

The first registration weekend will be on 5 and 6 March. President Jacob Zuma announced during the State of the Nation Address, in Parliament, that the local government elections will be held within three months after



18 May, the date of the last local government elections.

“We urge the youth, in particular those who are turning 18 this year, to register in their numbers for this first ever opportunity to cast their votes,” said President Zuma.

FINDING YOUR CORRECT VOTING STATION

All eligible voters (South African citizens aged 18 or older) should ensure they are registered in the correct voting

district where they ordinarily live. Voters who are already registered can SMS their ID number to 32810 (cost R1) to receive confirmation of their voter registration details including the name of their voting station.

Voters need to take with them their green barcoded ID book, smart ID card or a valid temporary ID certificate to the voting station. No other forms of ID are accepted for voter registration.

It's important for voters to vote where they live.

Register to vote in the 2016 Municipal Elections on 5 and 6 March 2016. All voting stations will open from 8am to 5pm over the weekend of Saturday 5 March and Sunday 6 March.

There are a number of ways voters can find their correct voting station:

- Call the Electoral Commission Contact Centre on 0800 11 8000 between 7am and 9pm weekdays.
- Use the voting station finder app on the IEC website at www.elections.org.za
- Dial *120*IEC# (*120*432#)

Vuk'uzenzele **ke MAHALA** ... empa e fetise ha o qetile

MMUSO WA LEHAE



Ntshetsopele ya Fleurhof ke e nngwe ya bodulo bo kopanetsweng e kgolo ka ho fetisisa ka hara Gauteng.

mesebetsi ya dithuto le ho fumana mangolo a thuto ho tswa dikahong tsa matjhaba tsa thuto tse ngodisitsweng.

RE BULELA BOIQAPELO

Ka Phephetso ya #Hack.Jozi motsemoholo o hohetse batho ba lehae ba nang le menahano e ntjhafatsang ya kgwebo ba tllileng ka mehopollo e kgabane bakeng sa dihlahiswa tsa dijithale tse tla thusa ho rarolla mathata ka hara metse ya bona e fapapafaneng. Tjhelete e etsang R5 milione e se e behetswe ka thoko ho tshehetsa dikgwebo tse qalang tsa dijithale ka hara Smart City.

Ha ho shejwa phallelo e potlakileng ya batho ho tla ka hara metsemeholo, ho na le temoho e ntseng e hola ya hore ditharollo tsa bokamoso tsa dintlha tse hlokolosi ka ho fetisisa tse tobileng setjhaba di tla tshwanela ho fumanwa dibakeng tsa metse ya ditoropo le ho etellwa pele ke baetapele ba mebuso ya lehae. Metsemeholo e meng e eketsa ho sheba borwa, ho sheba metsemeholo e kang Johannesburg, bakeng sa kgothatso le ntjhafatso.

Ena ke karolo eo Johannesburg jwaloka motsemoholo o labalabelang ho ba wa maemo a lefatshe wa Aforika o ikemiseditseng ho se thabela.

DIPOROJEKE TSE KGOLOHADI TSA MATLO

Motsemoholo o tsamaya ka sekgahla se matla ho fihlella maikemisetsa a ona a ho fana ka matlo a ka bang 95 000 ka 2019.

Diporojeke tse kgolohadi tsa matlo tse tla ba le kgahlamelo e thusang hodima kgolo ka hara motsemoholo di motjheng kapa di maemong a ho rerwa. Tjhelete e etsang R657 milione e ile ya behellwa ka thoko bakeng sa diporojeke tsa matlo selemong sa ditjhelete sa 2015/16 – e leng peheletso e menahaneng habedi ho feta ya nako e fetileng. Tjhelete ena e tla eketswa ho isa ho R932 milione selemong se tlang sa ditjhelete.

Diporojeke tsena tse kgolohadi di tla fana ka menyetla bakeng sa kgodiso, tshebediso e tswakatswakaneng le ntshetsopele e itshetle-hileng hodima dipalangwang, ho hokela menyetla ya moruo ho dibaka tsa bodulo.

Dintshetsopele tsena di bopilwe ka dibaka tse supileng, tse hasantsweng ho phatlalla le motsemoholo ho shebilwe mmono wa dibaka tsa bodulo le ho rerwa ho ya ka lenaneo la Diphethoho la Gauteng, Ntlafatso ya Sejwale-jwale le Tlhabollo botjha ya diindaseteri.

Dibaka tse supileng ke:

- Sebaka 1 se bitswang Lanseria City se fumaneha karolong e ka Leboya ya

Motsemoholo. Ho tla ba le diporojeke tse kgolohadi haufi le Lion Park, ho la Diepsloot Botjhabela le Riverside View, Ext 28.

Sena se tla hlalisa matlo a 46 500 le ho sebetsa jwaloka lehokela pakeng tsa Johannes-burg, Tshwane le Masepala wa Setereke wa Gauteng Bophirima.

- Sebaka 2 se fumaneha Leboya Bophirima ho Johannesburg. Diporojeke tse motjheng di kenyeletsa ntshetsopele ya Cosmo City le Malibongwe Ridge, e boetseng e abetswe R88.8 milione dite-kanyetsong tsa hajwale. Ntshetsopele ya Zandspruit ho la Honeydew e tla tswela pele hang feela ha ditshitso tsa tikoloho tsa mekgwabo di se di rarollotswe.
- Sebaka 3 ka borwa ho Johannesburg se tla ba le dintshetsopele tsa ho ntshetsa-pele meralo ya motsemoholo ya kgodiso. Diporojeke tse South Hills le Kliptown-Nancefield di se di ntse di le motjheng mme Southern Farms le Ennerdale Ext 19 di tla latela haufinyana. Mmoho porojeke e tla hlalisa matlo a fetang 68 000.
- Sebaka 4 se tsepamisitse maikutlo ho Metjha ya Tokoloho le tlhabollo ya Setsi

sa Johannesburg. Sena se sa le boemong ba moralo empa qetellong se tla fana ka matlo a 50 000.

- Sebaka 5 se bitswang New City 2 mme se akaretsa Alexandra le Modderfontein, se hokela botjhabela ba motsemoholo le Ekurhuleni. Dintshetsopele tse ntjha Rabie Ridge, Marlboro mmoho le matlo a seng makae a dibonto a maemong a moralo.
- Sebaka 6 se hokela Johannesburg le Sedibeng le Gauteng Bophirima ho bopa New City 3. Palohohle ya matlo a 24 000 a ntse a ahuwa Lufhereng mme ntshetsopele e lohothwang ke porofense ya Gauteng Syferfontein e tla hlalisa phano ya matlo a 60 000 hape. Dintlha tse amanang le dolomaete le phallo ya esete ya merafo di ntse di sekasekwa hajwale.
- Sebaka 7 se Fleurhof. Mekgahlelo 1 le 2 ka bobedi e se e ntse e le tlasa ntshetsopele mme e tla hlalisa matlo a ka bang 18 200 ha meralo ya nako e tlang bakeng sa Goudrand Ext 4 e ntse e batlisiswa.



Meyara wa Phethahatso Parks Tau o ne a kenetse Khonferense ya COP 21 e mabapi le tsa Tlalaemete Paris moo a neng a arolelana sethala le baetapele ba lefatshe ba kang Meyara wa mehleng wa New York City, David Bloomberg le Meyara wa Paris, Anne Hidalgo.

Ntlafatso ya mmila bakeng sa Lephalale

Porojeke ya diranta tse milione-milione ya ho ntlafatsa mmila e reretswe ho tswela molemo diketekete tsa badudi ba Lephalale, ho la Limpopo.

Porojeke ena, e thakgotsweng ke Meyara Jack Maeko ka Tshitwe selemong se fetileng, e tla ntlafatsa phumantsho ya dipalangwang le ditsela tse hlwahlwa bakeng sa metsana e 13, ho dumella badudi ho tsamaya ka bolokolohi le ka polokeho ka hare le ka ntle ho sebaka seo.

Morafo wa mashala wa Exxaro Grootegeluk le Lekala la Mebila la Limpopo (RAL) ba fanne ka thendara ya ho rala ditsela tsa Ga-Seleka ho Aurecon South Africa (Pty) Ltd.

Ditho tsa badudi tse dulang ka hare le ka ntle ho Sefithlogo, Morwe, Botshabelo, Moong, Segale, Botsalanag, Kopanong, Kgobagodimo le Letlora di tla kgola molemo ho tswa ho ntlafatso ya Tsela ya Rietfontein (D3102 le D3114). Ntlafatso ya Tsela ya D3109 e tla tswela molemo badudi ba tswang Kiti, Motsweding, Dipompopong le Mokuruanyane.

Ha a ne a fana ka puo ya sehlooho moketeng wa ho saena, Meyara Maeko o lebohile RAL le Exxaro bakeng sa nyehelo ya bona ho ntshetsopele ya meralo ya motheo.

“Mmuso o hloka lekala la poraefete ho sebeletsa ditabatabelo tsa setjhaba. Ntho e nngwe le e nngwe e a kgonahala ha feela re sebetsa mmoho.

“Porojeke ena ya mmila e tla hlalisa menyetla e mengata ya mosebetsi le ho fedisa bofuma,” ho ile ha rialo Meyara Maeko.

O kgothaleditse makhanselara le baetapele ba badudi ho bolella badudi ba dibaka tsa bona ka kgatelopele e etswang. Motsamaisi wa Exxaro Group wa Ntshetsopele ya Badudi, Ramesh Chhagan o itse Exxaro e entse boitlamo ba ho matlafatsa kgonahalo.



Meyara wa Masepala wa Lephalale Jack Maeko (hole ka ho le letona) o buisana le ditho tsa motse setsing se setjha sa tlhahisoleseding sa Marapong.

“Mmila ona o tla dumella motsamao o lokolohileng wa batho le ho lebisa tlhahisong ya menyetla e fapafapaneng ya moruo. Re dula re ikemiseditse ho etsa nyehelo e kgabane ho badudi ba Lephalale ho netefatsa hore re siya sebaka sena se le maemong a betere haholo ho feta kamoo re se fumaneng se le kateng,” ho ile ha rialo Chhagan.

CEO ya RAL Petros Matji o thoholeditse moifo wa porojeke bakeng sa ho akofisa tshebetso ena le ho netefatsa hore ho na le kgatelopele e bonahalang porojekeng ena.

“Ho netefatsa phethisetso ya maitsebelo le matlafatso ya diSMMME tsa lehae, Aurecon e tla sebetsa mmoho le Exxaro, Lekala la Mebila la Limpopo le Masepala wa Lehae

wa Lephalale nakong ya mekgahlelo wa moralo,” ho ile ha rialo Matji.

Ho tlatselatsa, mekgwa e batlang basebetsi ba bangata e tla sebediswa nakong ya kaho mme sena se tla tswela molemo palo e ngata ya ditho tsa setjhaba tse sa sebetseng, haholoholo batjha ba hlahang metsaneng e haufi.

RE KGUTLELA HO TSA MOTHEO

Jwaloka ka karolo ya letsholo la Back to Basics, Meyara Maeko o butse semmuso setsi sa tlhahisoleseding sa Marapong haufinyana tjena. Setsha sena se lokela diteboho kaha ditho tsa setjhaba ha di sa loketse ho tsamaya sebaka se selelele ho ya kenya Mangolo a

ho batla Mosebetsi (di-CV) a bona tsa sona dathabeising ya masepala.

“Masepala o nkile boikarabelo ba ho netefatsa hore dintshetsopeleng kaofela tse teng ka hara tulo eo, badudi ba lehae ke bona ba shejwang pele ha ho tluwa ditabeng tsa mosebetsi,” ho ile ha rialo Meyara Maeko.

Ho thontswa bahlanka ba lehokela ba babedi bakeng sa ho thusa ho tsamaisa setsi sa tlhahisoleseding.

Lenaneo la Back to Basics, le thakgotsweng ke Moporesidente Jacob Zuma ka Loetse 2014, le reretswe ho netefatsa hore bomasepala ba sebeletsa badudi betere ka ho fana ka phumantsho e hlwahlwa ya ditshebetso tsa motheo.

MMUSO WA LEHAE

Joburg – motsemoholo wa dintjhafatso



Ho na le diporojeke tse kgolohadi tsa kaho ya matlo tse ntseng di le motjheng kapa di le maemong a ho rerwa ka hara Johannesburg.

Johannesburg e tswela pele ho di hula kapele jwaloka motsemoholo oo e bang mohlala ka hara Aforika Borwa. Leha ho na le diphephetso tsa moruo, sekgahla sa tswala se ntseng se phahama le ho fetofetoha ka potlako ha tsa ditjhelete tsa matjhaba, Motsemoholo wa Johannesburg o ntse o hlalaha ka mahetla jwaloka mohlala wa botsitso le bolaodi bo hlwahlwa ba tsa ditjhelete.

KGOHEDI YA MATSETSE

Makgabane a motsemoholo jwaloka sebaka se nang le kgohedi ya matsete a ile a matlafatswa ke qeto ya haufinyana tjena ya lekala la lefatshe, Fitch Ratings, ya ho phahamisa le ho tiisetisa maemo a moruo a motsemoholo bakeng sa nako e telele.

Lekala lena le thoholeditse motsemoholo bakeng sa “tshebetso e matla ho tsa ditekanyetso tsa ditjhelete” ha o bapiswa le maemo a matjhaba. Le hlakisitse taba ya hore Joburg ke motse o moholo le o ruileng ka ho fetisisa ka hara naha mmoho le ho ba lehae la dikaho tse kgolo tsa ditjhelete le dintlokolo tsa dikgwebo. Tlaleho e qolla bokgoni ba motsemoholo ba ho bokella lekeno le ho fana ka boleng bo hlwahlwa ho badudi bakeng sa tefello ya ditshebeletso le makgetho ao ba a nyehelang.

Fitch e supile hore, ho sa natswe ho fokola ha moruo wa naha, matsete a motsemoholo a R10 bilione ho meralo ya motheo bakeng sa nako ya dilemo tse 10 a tla tshehetsa tshebetso e hlwahlwa ya moruo wa ona. Sena se tla lebisa ho kgolo ya palohare ho Tlhahiso ya Naha ya Kakaretso (GDP) ya 2% - 3% nakong ya bohareng bakeng sa ho hodisa motheo wa lekgetho ha ho kenyeletswa le kgolo e batlang e phahama ya setjhaba.

GDP ke boleng ba tjelele ba thepa le ditshebeletso kaofela tse hlakisitsweng ka hara meedi ya naha bakeng sa nako e itseng. Bakeng sa batsetedi ba lefatshe, ho bontsha hore Motsemoholo wa Johannesburg ke sebaka sa matsete se bolokehileng se nang le bokgoni ba ho etsa phaello.

Bakeng sa badudi ba lehae, balefi ba ditshebeletso le makala a dikgwebo, o romela melaetsa ya hore maano a kentsweng tshebetso ke motsemoholo a nepahetse le hore ketapele e ka tshepelwa ho tswela pele ho latela motjha oo e ntseng o o tshwere hajwale.

Sena se tla baka matsete a mang hape, a tla lebisa ho kgolo ya moruo, tlhahiso ya mesebetsi le menyetla e meng bakeng sa ho ntlafatsa meralo ya motheo le boleng ba phano ya ditshebeletso ka hara motsemoholo.

Haufinyana tjena, motsemoholo o ile wa hapa Kgau e babatsehlang ya C40 Cities 2015 bakeng sa boikitlaetso ba ona ho Green Bond ho la Paris. Green Bond, e neng e kenetswe ke

bongata bo fetang tekano, e se e hlakisitse R1.458 bilione selemong se fetileng sa ditjhelete mme e tsetetswe diporokeng tse ngatanyana bakeng sa ho etsa hore motsemoholo e be o hlwekileng ka talafatso.

MERALO YA MOTHEO HO NTSHETSAPPELE METJHA YA TOKOLOHO

Ka 2012/13, Meyara wa Phethahatso wa Johannesburg Parks Tau o entse phatlalatso ya hore motsemoholo o tla tsetela ho feta R100 bilione nakong ya dilemo tse 10 ho diporojeke tse kgolo tsa meralo ya motheo eo haholoholo e amanang le Metjha ya Tokoloho. Metjha ya Tokoloho ke dintshetsopele tse tobaneng le hore Johannesburg e hloise meralo ya setoropo ya mehleng ya mmuso wa kgethollo ka ho atametsa dikolo, ditshebeletso, menyetla ya mesebetsi le melemo e meng haufi le malapa a batho, haholoholo ba dulang ka ntle ho meedi ya motsemoholo.

Sepheo se seholo sa ho hlalisa Metjha ya Tokoloho ke ho etsolla meralo ya



Joburg ke Motsemoholo wa pele ho thakgola Tsamaiso ya Dibese tse Potlakang. Tsamaiso ya ReaVaya e ntlafaditse kamoo batho ba etang ka dipalangwang.

setoropo ya mmuso wa kgethollo, ho bopa motsemoholo o kopaneng le ho ntlafatsa phihlello ya badudi ya menyetla ya moruo le ya mesebetsi.

Ho se ho entswe ho hongata ho ntshehetsapele Sebaka sa Rotunda Turfontein, Motjha wa Empire-Perth, Seterata sa Louis Botha le Motjha wa Soweto haufi le Seterata sa Mooki, ho kenyeletswa ntlafatso ya Seteishene sa Nancefield.

Diporojeke tsena kaofela di raletswe ho ntlafatsa metse, ho ntlafatsa motsamao le ho kopanya metse. Karolo e hlokolosi ya Metjha ya Tokoloho ke ntshehetsopele ya Tsamaiso ya Dibese tse Potlakang tsa Rea Vaya eo esale e thoholetsa lefatsheng ka bophara.

MATLAFATSO YA BATJHA

Johannesburg hape e nka mehato mekutung ya yona ya ho tlisa batjha ka hara merero e meholo ya moruo ka mananeo a boiqapelo a kang Jozi@Work le Vulindlel' eJozi.

Motsemoholo o kentse tshebetso lenaneo la ntshehetsopele la R3 bilione, Jozi@Work, e leng motlolo o kopanetsweng bakeng sa masepala hore o etse bomphato le badudi ho matlafatsa phano ya ditshebeletso tsa masepala ka hara metse.

Porojeke ena e ile ya thoholetsa tlalehong ya haufinyana tjena ya diphuputso tsa matjhaba bakeng sa katleho ya yona ya ho qhaneha matla a batjha bakeng sa ho kganna kgolo ya moruo ya moshwelella.

Diphetho di teng ka hara tlaleho eo sehlooho sa yona e leng: “Re akofisa Metjha: Lenaneo la Lewa la Batjha la Moruo 2015”. Lesedinyana le hlomphehang la moruo: The Economist le ne le romilwe ke Citi Foundation ho etsa diphuputso ka hara metsengmeholo e 35 lefatshe ho pota e kenyeletsang Sydney, London, Madrid, Moscow, Mexico City, Hong Kong le Miami.

Meyara Parks Tau o hlalosa ho nkelwa hloohong ha motsemoholo jwaloka “ntshetsopele e amohelhang”.

“Johannesburg e lemoha tlhokeho ya diphetho tsa bohlokwa ho tsa thuto, boetapele ba dikgwebo, ntshehetsopele ya maitsebelo le thupello bakeng sa batho ba batjha maemong a hajwale a moruo,” o a tlatsela.

Tlaleho e re “leano ha le a tshwanela ho kenyeletsa ditjhele tse phahameng.” E supa Jozi@Work jwaloka “boikitlaetso bo ntjhafatsang haholo” boo ka bona Johannesburg “e lekang ho shebana le dintlha tse ngatanyana tsa setoropo ka nako e le nngwe.”

Hape e thoholetsa Johannesburg hobane e entse ntshehetsopele ya batjha ntlha ya yona e ka sehloohong ka ho fetisisa ka lebaka la tlhokeho e hlakileng ya moruo le setjhaba bakeng sa kgatelopele, ho fetolela se bitswang ‘moloko wa qhomane e ka nnang ya phatlola neng kapa neng’ ho monyetla wa katleho.

Ka Vulindlel' eJozi motsemoholo o itlamme ho hlalisa mesebetsi e metjha e 200 000 bakeng sa batjha le ho etsa bomphato le lekala la poraefete bakeng sa ho fana ka ditsiane tsa tjelele bakeng sa ho hira batjha.

Johannesburg hape e thehile marangrang a ‘boeletsi ba batjha’ maemong a badudi bakeng sa ho fihlella batho ba batjha, ho

mamela dingongoreho tsa bona le ho qala ho sebetšana le ditlhoko dintlheng tse kang tsa thuto, thupello ya mesebetsi le kgiro.

Meyara Tau o re Joburg ke motsemoholo “oo ho ona batjha ba etellang pele kgoeletso ya diphetho, ba tseka menyetla ya ho sebetša, ho ntlafatsa bophelo ba bona le ho ba se betere ka ho fetisisa seo ba lakatsang ho ba sona”.

MOTSEMOHOLO WA THEKENOLOJI YA MAHLALE O BULA MENYETLA E METJHA

Thekenoloji ya Mahlale e eketsa ho fetola bophelo ba badudi ba Joburg jwaloka ha phano ya meralo ya motheo ya motsemoholo ya Tlhahisoleseding ya Thekenoloji Dikgokahanyo (ICT) e ntse e eketsa lebelo.

Dikgweding tse tseheletseng tse tlang motsemoholo o tla tswela pele ho hodisa kgasanyo ya Wi-Fi le ho hlalisa thekenoloji e ntjha e ntlafatsang kgokahanyo le badudi le ho phahamisa boleng ba phano ya ditshebeletso. Mohopolo wa “Smart City” o hlakisitsweng ke Meyara Tau ho Puo ya Maemo a Motsemoholo o qala ho iponahatsa. “Phumantso ya mokgwa wa dijithale e se e ba ntlha ya tekatekano ka hara setjhaba sa rona jwalo feela ka metsi le motlakase,” ho rialo Meyara Tau.

Mohopolo wa lenaneo la Smart City o se o fihlletse mekolokotwane e mmalwa mme o tla tswela pele ho fanwa halofong ya ho qetela ya selemo sa hajwale sa ditjhelete.



Bakganni ba makoloi jwale ba siya makoloi a bona seteisheneng sa ReaVaya ebe ba palama dibese ho haola le Joburg

Boteng ba Wi-Fi bo phatlalla ho ya le motsemoholo. Meaho e fetang 100 eo e leng ya motsemoholo e se e hoketswe mme ditsha tse 370 tsa Wi-Fi di se di sebetša.

Setsha se sa sebediseng dithapo se se se kgakotswe Braamfontein, se thusang batho ho hokela ho Wi-Fi ya mahala ho dilepothopo, dithaboletse le diselefounu mme ho ka hulwa tlhahisoleseding e fihlang ho 1GB ka kgwedi mahala.

Dilaeborari tse ka bang 35 ka hara Johannesburg di hoketswe ho marangrang a phatlatseng a inthanete mme tsa tlatsetso tse 52 di tla latela mahareng a 2016. Marangrang a potlakang le a mahala a phatlatseng a inthanete a tla neha badudi ba Joburg phumantsho e kgolo ya diyunivesithi tse bulehileng tsa inthanete moo ba ka etsang



Motsemoholo wa Joburg o itlamme ho hlalisa mesebetsi e metjha e 200 000 bakeng sa batjha ka lenaneo la Vulindlel' eJozi.

DITABA TSE AKARETSENG

Govt sets aside billions for new port facilities



Government is investing billions to new port facilities. In 2014 Operation Phakisa was launched and implemented in the ocean economy, health, education and mining sectors.

Janine Arcangeli

President Jacob Zuma said R7 billion has been committed to new port facilities.

This follows the adoption of a public-private partnership model for port infrastructure development by Transnet National Ports Authority.

Delivering his State of the Nation Address in Parliament last month, President Zuma said government was concerned that South Africa did not own vessels while the country is surrounded by about 3 000 kilometres of

coastline.

“Through the oceans economy segment of Operation Phakisa, we are trying to solve this challenge.

“I am pleased that two bulk carrier vessels have been registered in Port Elizabeth, and a third tanker in Cape Town under the South African flag,” he said.

The Operation Phakisa Big Fast results methodology was launched in 2014 and implemented in the ocean economy, health, education and mining sectors.

Through Operation Phakisa, government aims to implement its policies and pro-

grammes better, faster and more effectively.

Another positive Operation Phakisa development has been the launch of a fuel storage facility in Cape Town, bringing an investment of R660 million.

“Aquaculture appears to be an important growth area within the oceans economy segment of Operation Phakisa. Close to R350 000 private sector investment has thus far been committed in the aquaculture sector.

“Nine aquaculture farms are already in production. These farms are located within the Eastern Cape, KwaZulu-Natal, Western Cape and Northern Cape,” said the President.

Operation Phakisa is an adaptation of the Big Fast Results methodology that was first applied by the Malaysian Government, successfully, in the delivery of its economic transformation programme.

The operation addressed their national key priority areas such as, poverty, crime and unemployment.

It involves setting up clear targets and follows up with on-going monitoring processes which makes the results public.

Through this initiative, the Malaysian government was able to register impressive results within a short period.

> E tswelapele ho tloha leqepheng la 1

ho tswa ka madiboho ho ya mebarakeng ya lefatshe ho pota.

Lekala la Mebila la Aforika Borwa (Sanral) le ahile e meng ya mebila e hlwahlwa ka ho fetisisa Gauteng le dikarolong tse ngata tsa naha.

Bolaodi ba Trans Caledon Tunnel bo ahile matamo a methamo e fapafapaneng, hore ho tle ho kgonahale hore maAforika Borwa a fumantshwe metsi a bolokehileng a ho nwa. “Eskom, ho sa natswe diphephetso tse teng, e ntse e kgona ho etsa hore moruo o nne o tswela pele, ka hara mathata kaofela a teng. Dikaho tsa rona tsa ditjhelete tsa ntshetsopele tse jwaloka Koporasi ya Ntshetsopele ya Diindaseteri, (IDC), Banka ya Ntshetsopele ya Borwa ba Aforika (DBSA) le tse ding di fanne ka ditjhelete bakeng sa meralo ya motheo, diindaseteri le dikgwebo tsa temo ntle le bothata, le ka hara ditlamorao tsa mathata a ditjhelete a lefatshe,” o ile a tshwaya jwalo.

MORALO WA DINTLHA TSE ROBONG

Moporesidente Zuma hape o ile a bua ka dintshetsopele tse amanang le Moralo wa Dintlha tse Robong oo a o phatlaladitseng selemong se fetileng, ka hore hara tse ngata kgatelopele e entswe bakeng sa ho tsitsisa phano ya motlakase.

Moralo ona o reretswe ho matlafatsa kgolo ya moruo le ho hlahisa mesebetsi e hloka-halang haholo. Moralo ona o kenyeletsa, hara tse ding, ho hlasimolla botjha temo le ntlafatso ya letoto la dihlahiswa tsa temo; ho hodisa bokgola- molemo, ho bulela bokgoni ba dikgwebo tse nyenyane le phephetso ya enoji.

Moporesidente Zuma o itse mmuso o tsete-tse R83 bilione ka hara Eskom, tse thusitseng kaho ena ho tswela pele ho tsetela ho Medupi

le Kusile, ha e ntse e tswela pele ka lenaneo le hlwahlwa la ditokiso.

Diyuniti tsa tlatsetso ho tswa seteisheneng sa motlakase sa Ingula di tla hokelwa ka 2017, leha tse ding tsa tsona di tla qala ho sebediswa mmoho selemong sena.

Mamati a mangatangata a boiketo ba Lenaneo la Bahlahisi ba Matla a Motlakase o ka Sebediswang ka ho iphetapheta ba Ikemetseng le hohetse matsete a R194 bilione.

“Boikitlaetso bona ke mohlala o bona-halang wa kamoo mmuso o ka etsang bomphato le lekala la poraefete bakeng sa ho fana ka ditharollo tse kgonahalang ho phephetso e hlokolosi e tobaneng le naha ya rona.”

Moporesidente o itse selemong sena mmuso o tla kgetha ba iketang ba kgahlisang bakeng sa bahlahisi ba matla a motlakase o sa fehlweng ka mashala.

AFORIKA BORWA E ENTSE KGATELOPELE E KGOL

Ha a ne a tshetleha puo kopanong ya kgwebo ya The New Age, ho la Motse Kapa, letsatsi kamora ho fana Puo ya Boemo ba Naha, Moporesidente Jacob Zuma o itse ho sa natswe hore re sa le naha ya demokerasi e sa leng tlase ka dilemo, Aforika Borwa e entswe kgatelopele e kgolo bakeng sa ho aha moruo o ikemetseng o kenyeletsang.

O tlatseleditse ka hore leha ho sa na le ho hongata ho tshwanelang ho etswa, o kgo-tsofetse ke kgatelopele e seng e entswe ke naha ena.

“Ke a dumela hore jwaloka naha, ha re sheba dilemo tsa rona le diphephetso, re entswe kgatelopele e ntle.

“Re sebitsane le dintlha tsa kahisano tse amang naha ya rona le ho hlahisa mesebetsi empa bothata ke hore ha re ntse re hlahisa mesebetsi jwalo, ka yona nako eo re ntse re lahlehlwa ke mesebetsi,” o ile a rialo Moporesidente



Young South Africans were excited to hear what President Zuma had to say to the nation.

HO MATLAFATSA MATSETE

Mmuso, ka Lefapha la Kgwebo le Diindaseteri, o hlahisitse ditsiane tse ngata dilemong tse mmalwa tse fetileng ho matlafatsa matsete makaleng a tlhahiso, haholoholo ya masela, ya letlalo le makala a makoloi.

Moporesidente o itse ditsiane tseo ho buu-wang ka tsona tse hlahisitsweng bakeng sa lekala la makoloi di hohetse matsete a fetang R25 bilione dilemong tse hlano tse fetileng.

Kaho e se e qadile ho Diphaka tsa Temo tse hlano bonyane, tse kenyeletsang Ranteng Bophirima ho la Gauteng, Springbokpan ho la Leboya Bophirima, Witzenberg ho la Kapa Bophirima, Ncora ho la Kapa Botjhabela le Enkangala ho la Mpumalanga.

Moporesidente o itse mmuso hangata o

ne o etsa diqeto tse boima mme o tsetetse dibakeng tse ngatanyana bakeng sa ho ntlafatsa boleng ba bophelo ba baahi ba ona kaofela.

“Esale re sebitsa ka thata bakeng sa ho tsetela. Mohlala, meralo ya motheo ke yona ntlha e bonahalang haholo ya kgatelopele eo re e entseng ka hara naha.

Re aha diteishene tsa matla a motlakase tse kgolo ho kgotsofatsa ditlhoko tsa moruo le ditlhoko tsa batho.

“Re tlile ka lewa la naha le amohetsweng ke maAforika Borwa kaofela... Re entswe thuto hore e be ntlha e ka sehloohong hape re arotse lefapha hore e be la Thuto ya Motheo le la Thuto e Phahameng ho etsa hore bongata ba maAforika Borwa, a neng a kotetswe pele, e be karolo ya moruo,” o ile a rialo.